

Estudyante 2

Isulat ang pulong nga *pundasyon* sa usa ka piraso nga papel, ug ipakita kini sa inyong grupo.

- Nganong ang pundasyon usa man ka importanting bahin sa building?
- Unsa ang mahimong mahitabo kon dunay problema sa pundasyon?

Dapita ang usa ka sakop sa inyong grupo sa pagbasa og kusog sa 1 Mga Taga-Corinto 3:10, ug hangyoa ang tanan sa grupo nga mangita sa unsay gisulti ni Pablo mahitungod sa iyang misyonaryo nga buhat taliwala sa Mga Taga-Corinto.

- Unsa ang gisulti Pablo nga iyang gibuhad samtang siya nagtrabaho isip usa ka misyonaryo didto sa Corinto?
- Sa imong hunahuna unsa kaha ang gipasabut ni Pablo sa dihang siya miingon “laing tawo mao ang magatukod ibabaw niini”?

Pagdapit og laing sakop sa inyong grupo aron basahon og kusog ang 1 Mga Taga-Corinto 3:11, ug hangyoa ang tanan sa inyong grupo sa pagpangita kon unsa nga pundasyon ang gipahimutang ni Pablo alang sa mga Santos sa Corinto.

- Unsa nga pundasyon ang gipahimutang ni Pablo samtang siya mitudlo sa Corinto?
- Sumala sa bersikulo°11, kinsa ang nagkinahanglan nga mahimong pundasyon sa atong kinabuhi? (Siguroha nga ang inyong grupo makaila sa mosunod nga kamatuoran: **Si Jesukristo mao ang pundasyon diin gikinahanglan gayud nga atong tukuron.** Ikonsiderar ang pagdapit sa inyong grupo sa pagmarka niining kamatuoran sa bersikulo 11.)
- Sa unsang paagi nga ang pagtukod diha sa pundasyon ni Jesukristo makatabang nato sa paglahutay sa mga tintasyon ug mga pagsulay? (Tan-awa usab sa Helaman 5:12.)
- Unsaon nato pagsiguro nga ang atong mga kinabuhi natukod diha sa pundasyon ni Jesukristo?

Dapita ang usa ka sakop sa inyong grupo sa pagpakigbahin sa usa ka tawo nga iyang kaila kansang kinabuhi nagpakita nga gitukod sa pundasyon ni Jesukristo. Hangyoa ang estudyante sa pagpasabut kon sa unsang paagi nga ang pagtukod diha kang Kristo nakapanalangin niining tawhana.

Dapita ang matag sakop sa grupo sa paghimo og tumong nga makatabang kaniya o sa iyang pagtukod diha sa pundasyon ni Jesukristo.